




Literatura den Bon Dia

Ernesto E. Rosenstand



TUR COS A KEDA ATRAS

Na nan cas e tabata haya tambe un ambiente felis. Y esei tabata un di e motibonan cu e tabata asina contento ta bai e fiesta di dje.

Tur e pensamentonan aki tabata compaña e ora cu e tabata na caminda pa su cas. Y no a tarda mucho cu el a yega. Asina mes cu el a yega tempran ya tabatin basta hende caba. Anto e ora el a pensa cu e anochi ei lo e bai gosa un mundo. Lo bai ta un anochi hopi dushi.

Hopi amigo y amiganan a bin pasa un rato contento. Tur cos tabata muestra cu lo bai ta un fiesta hopi anima. Tur hende kier a haci e fiesta aki hopi dushi pa Maria. Ya bo tabata purba un ambiente dushi. Esei e por a ripara asina el a yega. Ambiente tabata hopi bon. Ya caba tabatin ambiente. Maske mester bisa cu na cuminsamento tur tabata un poco keto, tabata parce cu nan tabatin miedo te asta pa balia.

Esei ta di compronde, no ta prome biaha cu esei ta sosode. Hopi biaha hende ta warda poco mira con cos lo bai deraroya. Pues no ta cuminsa di biaha

Piesa y mas piesa tabata skeiro y nan no tabata lanta.. Tabatacu ta un mester hacie pa e otro nan sigui. Esei sa pasa hopi biaha. Despues di poco disco nan a dicidi di cuminsa balia y asina ta cu den un rato sala tabata yen yen ta anima fiesta lo mas hopi posibel. Desorden di otromundo a start. Poco poco ambiente a cuminsa drenta.

Mayoria di e presentanan tabata hobenan di casi e mesun edad. Y mayoria tabata conoce otro. Esei mes tabata haci e ambiente mas agradabel. Esei mes tabata un bentaha grandi, ya cu esakinan sa ta con ta fiesta. Den nan tabatin un si cu no tabata di e jong ei.

E tabata un homber cu tabata muestra cu ya el a pasa su hubentud. Y con straño cu por sona e tabata un di e mas animanan. E tabata muestra cu el a bin pa fiesta, pa gosa. E tabata mas contento cu tur e otro nan. Dor di esei e tabata yama atencion di tur esunnan cu no tabata conoce. Esei mes a haci cu na cuminsamento nan tabata poco reserva.

E tabata balia masha bon mes. No ta tur tabata conoce. Maria a bin combid'e pasobra un di su amiganan a pidie. Esaki a sigur'e cu e lo bai anima e fiesta masha hopi mes. Y en berdad esei tabata e caso. E amiga aki si tabata conoce bon. Y pa complace a bin combid'e.

E tabata un tipo simpatico. Masha contento mes. Tabata conoci cu unda cu e tabata por e tabata anima fiesta. E tabata gusta fiesta masha hopi. Y anochi aki no tabata excepcion. For di cuminsamento caba el a duna e impresion cu el a bin pa gosa, pa balia.

El a balia algun piesa cu diferente mucha mohe. Ma bo por a ripara cu su meta tabata pa balia cu Carmen. Keto bai e tabatin su wowonan gepeilo riba dje. Tur presente por a ripara esei. Despues di algun piesa el a logra y a bin pidie pa nan balia. Carmen mes tabata kier pa e homber aki bin pidie pa nan balia. E no tabata sa di

con ma e homber aki tabata atrae no solamente pa su manera di actua, ma mas tanto pa su manera di balia.

E tabata balia asina bon cu tur e damsnan tabata kier a balia cu ne. Maske nan no tabata conoce. Y e mes tabata percura pa no descepciona nan y tabata purba balia cu tur. Ma su deseo di mas grandi tabata balia cu Carmen.

E no tabata sa di con, ma asina el a mir'e ela simpatis'e. Despues di a balia cu diferente por fin el a logra gancha Carmen. Ora Carmen tabata balia cu ne e tabata sinti cu e tabata trece mas cerca dje. Na cuminsamento e no a gusta mucho. E cu no a gusta nunca hombernan mishu cune. Ma poco poo automaticamente el a tuma aden. Y e tabata coopea cu su avancen. Anto e ora ei e tabata experencia un sensacion hopi agradabel. Y esaki mes a haci cu sin cu e tabata sa e kier a sigui den brasa di e homber aki. E tabatin algo cu tabata atrae.

E sensacion e no a sinti ora cu e tabata balia cu e otro yoncumannan. Tabata un sensacion dushi. Y esaki tabata haci manera cu nan tabata zweef dor di e sala. Ora pa ora e tabata busca pa nan pega mas na otro y Carmen no tabata bai contra. Al contrario!

E prome piesa cu nan a balia tabata un bolero. Practicamente nan tabata balia para un caminda so. Y p'esei tabata dun'e e oportunidad pa primie contra su pecho y asina e tabata duna Carmen un sensacion agradabel, cu ora e piesa a caba el a keda algo desapunta.

Carmen tabata desea pa e piesanan no caba nunca. E tabata kier a sigui den brasa di e homber aki. E tabatin algo cu tabata atrae. E no tabata sa di con, ma den su brasa e tabata sintie otro. Y tur ora bai e tabata desea pa e bin lant'e pa nan sigui balia henter anochi sin stop.

Den un di e ratonan cu musica a stop pa sosega poco, Juan Ramirez, asina e homber aki tabata yama, a bin sinta den e grupo unda Carmen tabata. Con cu el a haci Carmen no tabata sa, ma na un momento Juan tabata sinta banda di dje den e grupo unda e tabata. Bo por a ripara cu ya for di basta ora e tabata buscando manera pa haci esaki. Y por fin el a logra.

For di basta ora por a ripara cu esei tabata loke cu e tabata kier. Y no a dura hopi cu el a cuminsa papia cu ne. Tabata bisto cu esei e tabata busca.

Nan a sinta comborsa pa basta rato. Tendiendo loke cu e tabata conta Carmen a lubida cu su intencion ora el a bin e fiesta tabata pa gosa, pa balia hopi. Ma Juan tabata conta cosnan interesante y esei mes a haci cu e tabata gosa tend'e.

Y Carmen a bin ripara cu no solamente e tabata balia bon, ma e tabata papia masha bunita mes. E tabata cont'e cosnan asina interesante, cu el a keda babuca di tende nan. Su combersacion tabata asina agradabel, cu nan a sinta comborsa hopi. Y Juan a ripara cu el a haci impresion riba dje. Y p'esei e tabata purba conta lo mas interesante. De bes en cuando si nan tabata lanta bai balia.